


TOP BH RESTORANI

PARTNER PROJEKTA

 UniCredit Bank




Za Vas smo obišli **najbolje bosanskohercegovačke** restorane!





CHATEAU



Kamnik



Dolazak makedonskih vina Kamnik

Osvježavajući okus na našem tržištu vina dolazi iz jedne jako uspješne i nagrađivane makedonske vinarije. Ljudi koji zaista znaju uživati u otkrivanju novih izazova, i svakako novih okusa, i svi oni koji bi htjeli da probaju nešto potpuno drugačije i intrigantno, odnedavno imaju mogućnost da okuse vina vinarije „Kamnik“. Možete ih naći u wine-shopovima „Frutele“ i u ekskluzivnim restoranima po Bosni i Hercegovini.

Potruga za savršenstvom

Spoj koji kombinira tradicionalne makedonske vinarske vrijednosti sa sofisticiranim pristupom, vidi se u finalnom proizvodu, vrhunska vina sa odgovarajućim dizajnom flaša i etiketa. Filozofija, po kojoj funkcioniše vinarija „Kamnik“, ustvari je jednostavna. Kontinuirana posvećenost i potraga za savršenstvom, da bi dobili najbolji mogući rezultat, i onda sve tako iznova i iznova. „Mi volimo pomjerati granice, stvarati vina koja putuju i pričaju našu priču o neprestanom stvaralačkom putovanju,.. U vlasništvu vinarije je trenutno 13 hektara vinograda u blizini Skoplja, zasađenih sa 5.500 sadnica po hektaru, i

kultivirane sa spur kordon i Guyot metodama.

G-din Ilija Malinkovski, vlasnik vinarije „Kamnik“, kaže da je početak ove vinske priče bio u jednostavnoj želji da sasvim lični interes o vinu pretvori u hobi sa malo svojih vinograda, za svoj „merak“, a onda su strast za perfekcijom i izvanredni tim pretvorili hobi u vinariju koja je danas jedan od lidera u regionu, te čak uzgaje i najnovije klonove od već poznatih sorti. To svjedoče i mnoge nagrade i vrhunska priznanja s nekih od najprestižnijih svjetskih natjecanja gdje je konkurencija iz cijelog svijeta zastrašujuća, a ocjenjivači beskompromisni.

Najskorija međunarodna priznanja

Sa *Decanter World Wine Awards 2013* u Londonu, koji važi za jedan od najvažnijih svjetskih vinskih događaja, „Kamnik“ nosi zlatnu medalju i Regionalni Trofej – priznanje za najbolje crveno vino u Centralnoj i Istočnoj Evropi – Best in Show – u kategoriji crvenih vina skupljih od 15 funti. Vino koje je „Kamniku“ donijelo ovaj značajni trofej je „Terroir Vranec Grand Reserva 2011“, dostupan na bh. tržištu. G-đa Angela Muir

MW (Master of Wine), jedan od regionalnih sudija Decantera, ovo je vino opisala snažnim riječima kao „željeznu tupanicu u somotnoj rukavici“. Još jedno skupocjeno vino, „Merlot Single Vineyard 2010 Reserva“, proglašeno je za najbolje vino Balkana u 2013, i šampionom na *Balkans International Wine Competition 2013*, osvojivši Trofej apsolutnog pobjednika. Ne bismo trebali propustiti da vam predstavimo i „Ten Barrels Syrah 2010“, vino čiji je vrhunski kvalitet vinariji „Kamnik“ osiguralo više vrijednih nagrada: zlatnu medalju sa *Medal Selections modiales des Vins Canada 2013*, i također zlato sa *TerraVino Mediterranean Wine & Spirits Challenge 2014* u Israelu. Iz Njemačke, sa *Premium Select Wine Challenge 2014*, ovaj je syrah ponio i četiri zvjezdice. Najveće natjecanje svijeta vinske sorte syrah, „Syrah du Monde“ u Francuskoj, značio je prestižnu srebrnu medalju. I ovaj je vinski dragulj dostupan za poštovaoce umjetnosti vinarstva u Bosni i Hercegovini.

Sve u svemu, „Kamnikova“ vina zaista donose avangardni vinski brand u regionu, pa i kod nas, i okus koji je poseban i raskošan, te zaista vrijedan pažnje.